

4. Notiz über die Bestellung des Meisters Peter de Brega zum k. Hofarzt. 1406, Nov. 9.

Aus Cop. der Pfalz 467, Bl. 152.

Item anno domini M^oCCCC sexto off den dinstag vor sant Martins tag hat myn herre der kunig meister Petrum de Brega zu sinem artzat enpfangen und er hat yme auch off denselben tag geschworn, daz er myns herren dez kunigs, myner frauwen der kunigynne, myner jungen herren und frewlin aller und auch myner herren dez bischoffs zu Spire canzlers und grave Friderichs von Otingen hoffmeisters getrulichen solle warten und mit artzenye verwaren nach sinen besten verstentniße und wissen ane alle geverde. und obe sin sust myns herren hoffgesinde oder diener bedorffen, den sal er auch dienen, also daz sie yme darumbetün, daz yme genüge. und der obgenant meister Peter sal auch mynem herren dem kunig sust in allen sachen mit ganczen truwen meynen, in vor sinen schaden allezyt warnen und sin bestes werben. und darumbet sal yme myn herre der kunig eins iglichen jares 1½ c gulden geben fur alle forderunge. und so er ander sin hoffgesinde cleydet, so sal er yn auch cleiden. und myn herre der kunig sal yme ytzund ein pfert geben fur sich, daz er ryde; so sal er ein knechtpfert darzu keuffen und meister Peter sal die pferde in siner koste zu Heidelberg halten. wann er aber mit myme herren uber lant rydet, so sal yn myn herre futer geben etc. presentes fuerunt dominus Spirensis, F. comes de Otingen magister curie et Johannes Winheim.

5. Notiz über die Vereidigung des Kammerschreibers Johannes.

Aus Cop. Pfalz 467, Bl. 159.

Als Johannes kamerschreiber geschworn hat.

Czum ersten hat er geschworn, daz er kein gelte inneme, da sy dann der prothonotarien einer by mit dem register, daz der cancelien davon bevolhen ist, und scribe daz mit yme an.

Item daz er nyemand kein gelte sal geben, myn herre der kunig heiße yn dann selber oder aber myn herre von Spire, der hoffmeister oder herr Rudolff von Zeißinkem, der dryer einer von myns herren des kunigs wegen, wann myn herre der kunig den dryen daz sunderlichen bevolhen hat — doch ußgenommen wann yme myns herren dez kunigs brieffe von den prothonotarien uß der cancelarien